

DISSERTATIO INAUGURALIS MEDICA,
DE
**PHRENITIDE PAN-
NONIÆ IDIOPATHICA,**

Quam

AUSPICE DEO PROPITIO,
Et Consensu atque Auctoritate Gratiſſæ Facultatis Medicæ,
IN ALMA REGIA FRIDERICIANA,
P R Æ S I D E

DN. D. MICHAELE ALBERTI,

SACR. MAJ. REG. BORUSS. AULICO ET CONSIST. MAGDEB.

CONSILIARIO, MED. ET PHILOS. NATUR. PROFES.

SORE PUBLICO ORDINARIO, ETC.

DECANO H. T. SPECTATISSIMO,

Domino Patrono, Præceptore ac Promotore suo, omni honoris cultu prosequendo,

PRO GRADU DOCTORIS

SUMMISQUE IN MEDICINA HONORIBUS ET PRIVILE-

GIIS DOCTORALIBUS LEGITIME IMPETRANDIS,

HORIS LOCOQUE CONSVETIS,

ANNO MDCCXXXIX. D. NOVEMB.

PUBLICÆ AC PLACIDÆ ERUDITORUM VENTILATIONI SUBJICIET

AUCTOR RESPONDENS

JOH. CHRISTOPHORUS PECK,

TYRNAVIA HUNGARUS.

HALÆ MAGDEBURGICÆ,

TYPIS JO. CHRISTIANI HENDELII, ACAD. TYPOGR.

DISSERTATIO IN AUCURIA MEDICA

DE

PHARMACOLOGICA

AVCTORE

JOHANNES CAROLUS

PHARMACEUTICUS

IN REGIA UNIVERSITATE

WURTEMBERGENSI

DR. O. MICHAELIS

PHARMACEUTICUS

PHARMACEUTICUS

PHARMACEUTICUS

PHARMACEUTICUS

PHARMACEUTICUS

PHARMACEUTICUS

PHARMACEUTICUS

PHARMACEUTICUS

PHARMACEUTICUS

PHARMACEUTICUS

PHARMACEUTICUS

PHARMACEUTICUS

PHARMACEUTICUS

PHARMACEUTICUS



§. I.



Annoniam multas, vberimis suis, quibus a natura ditata est, bonis, alligere gentes, praeter multitudinem ex distitis oris, eo petentium hominum, faeuientis in hanc, testatur martis furor, armorum strepitus, quem tellus toties experiri debuit Pannonica, cruentae comprobant clades, quibus hoc nobile saepius inquinatum est solum: tot tantaque confirmant molimina, quibus immanis ille Christiani nominis hostis, ad suas hoc regnum, pertrahere casses, an nititur Turca. Sed utut, amplissima haec, quibus regnum Hungariae adfluit, bona, magnam exteris eo migrandi accendunt cupiditatem, Regni tamen huius, cum sporadici, tum endemii morbi, qui multas saepe deuastando vrbes, magnam hominum edunt stragem, adeo periculosam hanc exteris imprimis Germanis reddunt terram, ut hi, cum multos suorum ibidem sepultos audirent, Hungariam, Germanorum, haud erubescerent adpellare coemeterium. Quod absolute, licet minime verum, multique Germanorum, largius Suaue terrae hauriendo merum, aliisque regni abutendo bonis, praematuram, sibi ipsi

conciliauerint mortem, multi etiam, temperantiae studentes, longum vitae attigerint terminum; cum tamen, perpetuis fere aër, qui hoc regnum perflat, obnoxius sit mutationibus, multorumque vitae ratio, funesta tempestatum vitare recuset ludibria, quotus quisque perspicere potest, multos Pannoniae proprios morbos, ex aëre, suos mutuare natales. His cum Phrenitidem, tali ex causa ortam, iure adnumerare liceat, haud operam me lufurum existimo, si iam pro viribus, in hoc enodando desudauero morbo; quas laborum primitias, vt ipsum Clementissimum adiuuet Numen, Lectoresue suo prosequantur fauore, est, quod votis, precibusque contendo deuotissimis.

§. II. Morbum, quem in praesentiarum explanare operae pretium duxi, ideo ἀπό τῆς Φρενίτιδος suam, priscis iam temporibus, nactum fuisse credimus, denominationem, quod semper, ceu indiuulsum comitem, iunctam sibi habeat mentis abalienationem. Vnde ipse iam tersissimus ille latinorum Medicorum scriptor, Celsus, non alio, quam infaniae nomine eam insignire Suevit vid. CORN. CELS. *Med. L. III. C. XVIII.* Sed cum instituti ratio his diutius immorari prohibeat, ad ipsam iam rem propius accedens, in quo hic noster consistat adfectus, paucis iam exponam; intelligo vero per phrenitidem, febrim inflammatoriam, ex intercepto, sanguinis, per minimas membranarum & corticalis cerebri substantiae arteriolas, transitu, ortam perpetuoque stipatam delirio.

§. III. Febrim, eamque inflammatoriam esse Phrenitidem, nemo, qui rationali lance supra commemoranda, ponderauerit symptomata, facile ibit inficias. Quare cum in rebus perspicuis, vbi rerum adsunt testimonia, haud prolixioribus opus sit demonstrationibus, in eo potius præ-

præfens expromendus esset labor, quo euincam, eandem hanc nostram febrim, ab intercepto sanguinis circuitu, in commemoratarum partium arteriolis obuiio, suam deriuare originem: ast, quum haec ad aetiologicam morbi huius, spectent tractationem, ne eundem laborem bis agens, actum agere videar, eo rem omnem hanc reiicio, ipsius nunc diversas morbi recensens species: Altera enim idiopathica, quae a cerebro, eiusque tegmine, primario adfecto; symptomatice altera, quae a malo aliunde in cerebrum, eiusque partes delato, orta, adpellatur phrenitis.

§. IV. Posterior, quae in oris germaniae frequentior, symptomatice phrenitis, malo omine, nec leui cum vitae discrimine, aliis acutis, in quibus, partim in regimine, partim in Medicamentorum vsurpatione delinquitur, accedit febribus: ita saepius hanc petechiis, variolis, febris catarrhali malignae, biliosae, praecipue vero Castrensi, circa diem morbi 4. aut 7, qui in schola Medicorum critici audiunt dies, praeuiis, nouo corporis rigore, pectoris tensione, adfociari, res perpetuae est obseruationis: vid. *III. HOFFMANN. Med. rat. syst. T. IV. P. i. p. 411. SCHENCK. obs. L. I. p. 64.* Funesta vero testante HIPPOCR. *L. aph. IV. aph. 50.* talia existere deliria, vel inde colligere licet, quod in ipso primum, acutarum statu superuenire soleant. Deiectis enim iam tum, per atrociam prioris febris symptomata, viribus, labefactatoque per continuam agrypniam cerebri tono, tales in tenerrimis eiusdem vasculis subnascuntur stases, quae omnem, & efficacissimorum remediorum eludunt ἐνεργείαν atque virtutem.

§. V. Errores autem, qui exitiosum hoc, accelerant malum, vti iam dictum, partim regimen, partim commemoratarum febrium respiciunt curam, in regimine peccatur,

tur, si id nimis sit calidum, exagitato namque ac turgescito, per intensiorem calorem sanguine, vti omnia, ita imprimis, tenerima cerebri vasa, vna cum suis lateralibus emissariis expandi, tonoque orbata, accumulato sanguini resistere, eundemque resitantem, vltius propellere minime valent. Huc pertinet etiam liberior aëris frigidioris admissio, refrigeratis enim, imprimis pedibus, spasmus oriri, hocque sanguinem ad interiora, & superiora impetuosè compelli, eundemque ibidem coaceruatam, stases producere, nemo, nisi in arte salutari hospes esse velit, facile negabit. Nec minorem imprimis in plethoricis, generando mali fomiti, cum vini, tum frigidae, immoderata occasionem praebet, ingurgitatio. Liberior namque frigidae haustus, salutes naturae motus, quibus aliena & noxia a laudabilibus humoribus per colatoria sequestrantur, & per congrua corporis emunctoria eliminantur, non modo intercipit, sed etiam humores coagulando, momentaneas inducit stases. Largior vero vini potus, cum humorum expansionem atque orgasmum augeat, ex infra iam commemoratis liquet, qua ratione irresolubiles producat stases.

§. VI. Inter remedia, quae salutaria in acutis, turbando naturae molimina, funestum hoc aegris affricant malum, principem obtinet locum, intempestiva, vel incongruo loco instituta, nec non, nimis parca, aut plane in plethoricis, talibus febribus detentis, neglecta VS. Si enim haec, in parte superiori, aut circa dies criticos, quibus natura haemorrhagiam imprimis narium molitur, administretur, huius loco phreniticum expectabis delirium, id quod aliquoties B. STAHLIUS & D. PRÆSES in Scriptis suis, præc. in *Therapia Medica* ex attenta experientia restati sunt.

sunt. Si in plethoricis, parcus, aut plane nullus, e rufa vena euocatus fuerit sanguis, validiores, impetuosasque ad caput tendentes, cum subsequenti phrenitico delirio, experiuntur die critico, aegri congestiones.

§. VII. Alterum ab hac locum, tribuimus iis potissimum, e pharmaceutico penu depromtis, medicamentibus, quae intestinum sanguinis motum augendo, impetumque eiusdem ad partes superiores inuitando, incompefcibilis, ad caput vergentis congestionis, existunt causae. Illis, quibus vis sanguinem exagitandi, tribuitur virtus, iure, omnia potentiora, sic dicta Alexipharmaca, ac Bezoardica accenseri merentur. Ex iis vero, quae partes membranaceo nerueas vellicando, humorum adfluxum ad superiora alliciunt, eminent Emplastra, sic dicta vesicatoria, imprudenter ceruici aegri acuta laborantis, admota: ita mihi ipsi, cum in B. D. NEUHOLDI, Fautoris quondam colendissimi degerem aedibus, quidam innotuit Medicafter, qui videns, optatos, virum illum ex circumspecto horum Emplastrorum vfu, saepius experiri effectus, simiae ad instar, suo aegro catarrhali maligna correpto, Emplastrum die morbi secundo, ceruici admouet vesicatorium, sed infelici fidere, quippe sequenti post die tertio, horrida prodeunt deliria, quae absque vlla remissione, tamdiu molestam adornabant scenam, donec die quarto, praeuiis conuulsionibus, tendinum subsultibus, sudore gelido, ipsa tandem mors subsequens, truculentis, quibus miser torquebatur symptomatibus, perpetuum imposeret silentium. Sed haec de symptomatrica, tanquam a foro nostro aliena, dixisse sufficiat, placet iam ad idiopathicam, ad institutum meum magis pertinentem, transire phrenitidem.

§. VIII. Idiopathica phrenitis, si illam excipias,
quae

quae a vi ab extus capiti illata, suam ducit originem, rarior, ob temperatiorem aëris qualitatem, in regionibus Germaniae deprehenditur, eo frequentius autem in Graecia, teste Tralliano, nec non in Polonia atque Hungaria, suam exercere observatur tyranidem. Subiecta vero, quibus imprimis familiaris hic existere solet morbus; sunt homines ad iram propensi, iuniores, & teste gravissimo auctore HIPPOCRATE, aetatis consistentis, *conf. Hippocr. apb. L. III. apb. 30.* quibus porro, natura temperamentum largita est cholericum-sanguineum, aut melancholico-cholericum, qui copiosum aut spissiore in vasis exiliis, alunt sanguinem, frequentioribusque congestionibus, aut plane sanguinis, obnoxii sunt profusionibus, qui denique diuturnae locum dando moestitiae, mentem fatigant, aut multis pervigiliis, lucubrationibus, frequentioribus inebriationibus indulgendo, irreparabilem cerebro, parti quippe tenerrimae, ac simul nobilissimae, inferunt labem.

§. IX. Recensitis haecenus subiectis, quae diro huic malo, prae ceteris, obnoxia esse solent, ad ipsam iam aetiologicam phrenitidis idiopathicae progredior explanationem, quo celerior mihi concedatur aditus, ad illius, quae Pannoniae incolas inuadit, phrenitidis explicandam indolem. Causas mali expositurus, illius primum, quae proxima apud Medicos audit, studebo evolutioni, ad eas tandem, quae remote ad inferrendum concurrunt malum, progressurus: illam in ipso animae domicilio, cerebro, huiusque imprimis cortice, eique adhaeresciente utroque tegmine, delitescere, in harum partium inflammatione consistere, praeter turbatas animae actiones, frequentius celebratae cadauerum, tali febris extinctorum, plus vice
simpli-

simplici comprobant sectiones: conf. BONETI *Sepulchre-
tum Anatomicum Lib. I. Sect. VII. A. E. L. An. 1720. Aug.
p. 371. A. N. C. Dec. 2. An. 5. obs. 62. HORSTIUS Lib. 2. obs. 12.
f. 105. HEURNIUS de Morb. Pest. p. 3.*

§. X. Si porro arterias, quae, deposita, extra calua-
riam robustiori tunica, cranium ingressae in partibus ma-
lum sinu fouentibus, innumeros distribuunt ramos, ea-
rumque multiplices, per cerebri anfractus disseminatos,
consideremus plexus, si denique vtriusque membranacei
tegminis, cerebrique corticis intueamur indolem, artifi-
ciosamque contemplemur compagem, praë omnibus reli-
quis, has corporis partes, concipiendae inflammationi a-
ptas esse,prehendimus. Neminem enim fugiet, com-
memoratum cerebri corticem, qui cinereum referre solet
colorem, partim e tenerrimis sanguiferis, lymphaticis
partim, affabre conflatum esse vasculis, ideoque ob tene-
ram, mollemque suam substantiam, exigua resistendi, ra-
pido cursu aduolitanti sanguini, pollere virtute. Nec a-
liter comparatum esse, quotus quisque videt, cum ea cere-
bri meninge, quae immediatum cerebro, omnibusque e-
ius sulcis ac cauitatibus impertit inuolucrum; quippe
quae, adeo teneris contexta fibrillis, copiosissimisque san-
guiferis interstincta deprehenditur vasis, vt, alteram eius
laminam, telae aranae adsimilare, hincque arachnoideam
adpellare fueuerint Anatomici: vid. VINSLOV *Tom. IV.
p. 106.* Dura tandem mater, ex robustis ac tendinosi li-
cet constructa sit fibris, duplicique gaudeat lamina, adeo
tamen, cum firmiter osseae, praecipue circa eiusdem fu-
turas, referente VILISIO *tr. cerebr. Anatom. p. 3.* adhaere-
scat thecae, vt facile ab ea diuelli nequeat, minus sufficien-
tem oscillatorium eius, quem BAGLIVUS, aliquae ei tribu-



unt motum, ad remorandum ad caput impetuosius fluentem sanguinem, ad eiusque interceptum, per vasa capitis promouendum circuitum existere, polyposa illa, in sinibus durae matris, apoplexia, aut lethargo exanimatorum, reperta concrementa, manifestissimo sunt testimonio.

§. XI. Exposito mali fomite, quem partes, modo descriptas, continere demonstraui, ad remotas, iam me conuerto explanandas causas, has inquirentibus multae licet se offerant, earum tamen, quae classē τῶν προηγμένων constituunt, cum §. iam VIII. mentionem iniecerim, praecipuas tantum, hoc loco, quae nomine Graeco, τῶν προκαταρχτικῶν veniunt, placet attingere causas. His merito accensentur, non modo variarum haemorrhagiarum sufflaminations, sed omnis etiam vis, capiti ab extus illata, quippe hac non modo vehemens cerebri producit concussio, verum momentaneae etiam & funestae cum subsequenti delirio, inducuntur stases. Alterum obtinere locum, profundius latitantem, aut plane imprudenter abscissam, plicam polonicam, creberri-
ma in Polonia obuia, testantur exempla. Ultimo tandem, colloco loco, vehementem per diurnum intensiorem calorem corporis exaestuationem, huicque accedentem nocturnam eiusdem refrigerationem. Et haec est praecipua illa causa, quae uti ceteros, Hungariae proprios morbos, ita etiam, ominosum, hoc phreniticum incolis inferre solet delirium; de quo sigillatim iam acturo, per placet prius, quomodo remotior haec, proximam producat causam, expendere rationem.

§. XII. Id dum annittor, effectus, qui cum ab aestu, tum frigore, in corpore humano producuntur, ut exponam, necesse est. Vrgente aestu, aërem, per ingesta

gesta ad humores delatum, ob sufflaminatum, huius, & externi per aestum rarefacti, aëris aequilibrium, vna cum humoribus expandi, horum, illiusve motum intestinum augeri, hocque aucto, non modo progressuum citatiorem reddi humorum circuitum; verum etiam, solida resolui, atque intumescere, præter multa, tam artis, quam naturae phoenomena, ranae, campanae, cui aër, ope antliae pneumaticae subductus est, subditae, iucundo comprobant spectaculo. Citatori porro reddito sanguinis circuitu, laxatisve corporis solidis, magnum, per continuum fluidarum partium attritum, feri sulphureo acris generatam copiam, per cutis laxatae spiracula eliminari, eoque ipso, sanguinem, fluidiori parte orbatum, reddi spissiorum, vel eorum constat exemplo, quos fors aduersa, magno sub sudore, afflictam coegit tolerare vitam. Refrigerato, econtra, externo corpora ambiente aëre, aucta hinc eius grauitate, & elasticitate, dissipatisque in aëra fluidorum partibus igneis, cum intestinum, tum progressuum humorum motum imminui, vasa solidorum collabi, eoque ipso, non modo salutare transpirationis sufflaminari negotium, verum etiam, compulsus ad interiora, per externae cutis stricturam, sanguinem, ad stases disponi, quotidiana edocet experientia, Illustr. Præceptor ac Fautor colendissimus testatur HOFFMANNVS vid. eius *Med. rat. syst. Tom. I. p. 338.* His iam praemissis, & nobis tacentibus, quilibet facile perspiciet, quonam pacto, huic diurno exquisito aestui, nocturnum accedens frigus, exitiosam hanc cerebro inuehere valeat inflammationem.

§. XIII. Antequam porro, ad ipsam morbi progrediar delienationem, haud incommodum fore puto, quaedam de Hungariae regno, eiusque incolis Lectoris



subiicere oculis, quo diuersa, cum in eo obseruetur aëris temperies, a diuersisque haec tellus incolatur hominibus, videre liceat, in qua nam regni parte, quibusue incolis, hoc familiare magis existat malum. Eam terrae Pannonicae partem ingressi, quae cisdanubiana, aut Hungaria, apud Geographos audit superior, temperatiorem in ea, exceptis quibusdam locis, imo ad Carpaticos propius accedentes montes, perpetuo ferme, frigidam, coeli experimur auram. Quod incolas terrae concernit, inhabitant hanc, non modo genuini Hungari, verum etiam, plurimi Germani, ac sic dicti Slaui, qui posteriores, praeter ceteris, longiori corporis proceritate donati, corpore robusto praediti, cibis durioribus adsueti, facilius tempestatis iniurias ferre, longioremque vitae terminum attingere, obseruantur. Quodsi autem, traiecto danubii flumine, inferiorem permeemus Hungariam, non modo intensiorem, de die, solis aestum, nocturnumque tolerare cogimur frigus, complura paludosa offendimus stagna; verum etiam, tales, in ea degentes reperimus homines, qui corpore quadrato, capiteque incedentes raso, temperamento gaudent sanguineo-cholerico, faciem referunt brunam, iudicio pollent acuto, vinaque hauriunt largius, nec facile, illatam, ad iram quippe pronissimi, inultam sinunt iniuriam, genuinamque antiquorum Humorum sistunt posteritatem. Vnde liquido constat, eos, qui posteriorem hanc terrae incolunt partem, praeter omnibus, uti ceteris, Hungariae propriis morbis, ita etiam huic idiopathicae, magis obnoxios esse phrenitidi.

§. XIV. Sed breuiter, haec commemorasse sufficiat, accedo iam, ad ipsa, quae partim morbum anticipant, partim concomitantur, recensenda symptomata: ad illa, quae

quae imminentem morbi inuasionem praenunciare, & futuri velut periculi monere solent, symptomata, refero, continuas vigilias, dolores in occipitis praecipue regione, suam deffigentes sedem, inconcinnas aegrorum ad quaesita responsiones, aestum, leuiori aut plane nulla siti stipatum; facies insuper turgēt, ruboreque suffunditur, pectusprehendit tensio, pulsus paruus, duriorque micat, eorum, quae ante dicta aut facta sunt, facile obliuiscuntur aegri, oculi copiosiores plorant lacrymas, vrina parcior, eaque redditur limpida, pedes horridula occupat sensatio, alius aduertitur stricta; quae singula, factae maioris ad caput congestionis, manifestissima sunt indicia. Occupante namque partes inferiores spasmō, quem pedum frigus, alius constricta, vrina parcior, eaque aquosa indicat, sanguinem, ad superiores, easue molliores compelli partes, lex docet corporis microcosmica. Quod cum in capite hic contingat, maiorque sanguinis copia, per arterias carotides, ad caput deferatur, quam per iugulares venas, ob inferiorum partium stricturam, e capite euehi possit; haud mirum esse potest, cur animales turbentur actiones, vasa faciei turgeant, vigiliae, somnique aegros infestent turbulenti, cur denique occiput exquisitior adfligat dolor, oculique largiores profundant lacrymas. Accumulato enim, stagnanteque, in cerebri vasis, atque sinubus, sanguine, non possunt non, partes hae molliores, supra suum naturalem, extendi elaterem, eoque ipso, non modo grauis, occipiti, in quo ampli laterales, durae matris hospitantur sinus, induci dolor, verum etiam, cum distensis vasorum parietibus, hiantia in illa, lateraliū vasorum oscula, simul dilatentur, vberiore sub-

tiliorum humorum fieri secretionem, hincque largiorem subsequi lacrymarum effusionem, necesse est.

§. XV. Inualeſcente per momenta malo, ipſi tandem ſanguinis globuli, in dilatatos praediſtos laterales, migrare coguntur poros, quo pernicioſa illa cerebri producit inflammationem. Quam extemplo acuta, delirio, ſtridore dentium, pulſuque celeri & duro ſtipata, preſſo pede, excipit febris. Hac correpti aegri, fixioribus, fulgidis, attentisue adſtantes intuentur oculis, commouent caput, iectigant artus, quosdam ferre recuſant, e lecto ſurgere conantur, venantur floccos: delirium, mox mentis ſollicitudine, mox hilaritate, mox immani prodiſt furore, artus occupat horror, praecordiorum adest tenſio, urinae minguntur tenues, eaeque ob generatam, per auctiorem ſanguinis motum, ſulphureo ſalinarum partium copiam, rutilantes, vaſa faciei conſpiciuntur tumidula, pulſus arteriarum temporalium fortius celeriusque undulat, cor frequentius palpitat, aëſtus vrget, nec quieto ullum, concedit locum ſomno.

§. XVI. Tali ſub ſchemate, noſtrum incedere adfectum, ſequens iam, in ipſa Hungaria a me obſeruatus, quem, cum illuſtrandae, tum corroborandae magis veritatis gratia, adducere lubet, optime edocebit caſus: Operarius quidam, quadragenario maior, habitus corporis ſtrictioris, potus vini aduſti, vt focii eius referebant, amans, capite, pro more gentis illius, incedens raſo, integrum, ſub exquisitiſſimo ſolis aëſtu, gramina falcando, conſumſit diem, finita veſperi opera, ad quam mercede conductus erat, viliori fruitur coena, qua peracta, aceruum conſcendit e feno conſtructum, laſſitudine conſecto corpori conciliaturus quietem, in hunc proſtratus
quae.

quaesito mox obruitur somno, & vestimentis minus rite munitus, noctis gelidae perfert iniurias. Proximo mane diluculo, e somno excitatus, ad fuetos vocatur labores, sed ob vires fractas, doloresque capitis, quos insignes se pati aiebat, ineptus ad operandum, a ceteris deprehensus, ad sui heri deducitur aedes: hic cubili deffixus, de atroci porro occipitis, cum volatico aestu coniuncto, conqueritur dolore; adstantes, aegrum saepius manantes oculos detergere, faciem inflatam ruboreque suffusam referre, ineoncinnos sermones proferre, dicti ante prolati, obliuisci, extrema insuper algere, obseruant: Perdurante eadem symptomatum atrociam, integram sequentem, insomnem ducit noctem, dieque proxime sequenti, vehemens, cum febris acuta, accedit delirium, omnibus praedictis grauioribus, stipatum symptomatibus. Accitus eo tum Chirurgus, venam quidem extemplo, pertundit pedis, liberalioremque e tusa vena emittit sanguinis quantitatem, cuius portio in patera collecta, glutinosa pinguem gestit superficie cuticulam. Subiungit huic, varia quae debellando morbo, apta nouerat, remedia, sed omnia incassum; funestus namque effrenis mali euentus, omnem Chirurgi elusit expectationem; tertio quippe morbi die, grauioribus praegressis conuulsionibus, membrorum tremoribus, tristem tandem, mors subsequens absoluit tragoediam.

§. XVII. Haec cum ita sint, nemo iam erit, qui veteres, phreniticum, cum maniaco confundentes, delirium, magni non redarguat erroris. Licet enim, illud nonnunquam in maniacum degeneret, hocque pulsu pariter p. n., somnoque coniunctum sit turbulento, licet ipsae etiam phreniticorum actiones, maniacorum peruersis



uerfis interdum conformes, exiftant moliminibus; nilominus tamen, cum in phrenitide febris adfit acuta, ea-que typica, notabilis memoriae labes, nulla furoris plenaria intermiſſio: maniacum e contra, delirium, per interualla adgrediatur homines, hique, tacente malo, ante aëtorum ſint conſcii, ipſeue maniacorum furor, vt plurimum, cum faſtu ſit coniunctus; magnam inter hoc, & phreniticum delirium, intercedere differentiam, omnes, vno ore, æui noſtri, adfirmant Medici.

§. XVIII. Poſtquam grauioris, mali ſingula ſymptomata, quibus id ſe prodit, ipſumque, quod inter hoc & maniacum intercedit, detexi diſcrimen, deuenio tandem, ordine ſic exigente, ad illa exponenda ſigna, e quibus, cum ſalutarem, tum funeſtum morbi, hariolari licet euentum. Graues quidem, & periculoſos, omnes meningum morbos, p. n. & phrenitidem eſſe, peritiſſimi in arte ſalutari, teſtati ſunt viri, vti videre licet apud GALEN. *Lib. IV. ſ. 35.* FOREST. *L. X. obſ. 21.* aſt, cum quosdam, tamen, periculum effugiſſe ſciamus, haud inanem laborem me æcturum puto, ſi & illa, quæ futuram præſagiunt ſalutem, euoluerim ſigna.

§. XIX. Inter boni ominis ſigna, primum locum ſibi vindicat, criticis diebus, occurrens narium hæmorrhagia. Depleta namque huius beneficio, cerebri vaſa, vi ſua, qua pollent elæſtica, in priſtinum reſtituuntur ſtatum, quo factò, non modo inflammatoriæ ſtaſeos prohibent augmentum, verum etiam ipſam, intercepti, in iis ſanguinis diſcuſſionem, per continuum ſanguinis adpulſum, a natura tentatam, mirum in modum ſecundant, atque promouent. Nec parum futuræ ſalutis ſupereſt ſpei, ſi prædictis diebus, corpus perfundat ſudor, conf.

oph.

aph. HIPPOCR. *Lib. IV. aph. XXXVI.* B. STAHL. *obs. p. 66.* lotium, reddatur coctum, sedimentumque deponens, nec tanta amplius symptomatum adsit vehementia, strictaeque alui subsequatur solutio. Elicitus namque sudor, non modo de aequabili, ad sanitatem summe necessario sanguinis circuitu, luculentum perhibet testimonium; verum etiam noxias simul e corpore educit partes. Lotium vero crassius, faecumque accedens exclusio, non solum remissionem, inferiora occupantis spasmi denotant, sed etiam causam morbi alens, atque sustentans, subtrahunt pabulum: De tali alui solutione, in morbis capitis occurrente, sequentia, commemoratu digna, reliquit verba, BAGLIVVS *Tr. de fibr. motr. p. 257.* ita inquit: in morbis capitis bonus est alui fluxus, ratione signi & causae; causae nempe; quia educitur portio morbosae materiei, ratione signi, indicat enim laxari iam, mollescere & elongari solida interna tensa, crispata & conuulsa, liberumque praebere transitum fluidis filtrandis.

§. XX. Male e contra decurrit morbus, si nullum horum diebus criticis, prodeat signum, vrina adpareat aquosa, de qua suo iam tempore HIPPOCR. *L. aph. IV. aph. LXXII.* ita ait: quibus pellucidae & albae sunt vrinae, malae; praecipue vero in phreniticis adparent. Idem augurari licet, si malum maiores, per momenta, sumat vires, roburque aegri sit collapsum, abbreviata & nimis laboriosa perduret respiratio, conf. D. D. PRAESIDIS, Praeceptoris ac Patroni summe venerandi *Pathol. C. XV. p. 209.* & *Semilog. Sect. II. cap. 3.* Deploratum porro, praedicamus cum HIPPOCRATE aegri statum, ubi truculentae adfociantur conuulsiones, tendinumque cum sudore gelido, accedunt subsultus, vid. HIPPOCR. *aph. L. IV. aph. L. VI.* indicant enim

vel praesentem iam, adfectarum partium gangraenam, vel imminentem praenunciant apoplexiam, quam momentaneam excipere mortem, neminem artis salutaris peritum, dubitare credimus. Nec melioris euentus nota existit profundior, quo aegri sepeliuntur, somnus, hic namque, cum praesentem supponat affectarum partium suppurationem; excitati, haud melius habent aegri, sed tremulam ore pro-
tendentes linguam, aequae, ut antea, continuo delirant, donec tali sub somno, lucis ad instar extinguantur. Ita somnum comatosum in febre acuta perniciosum esse, RIVERIUS *Instit. Med. Lib. III. sect. III. Cap. II.* sequentibus indicat verbis: quando huiusmodi coma diuturnis vigiliis succedit, magis perniciosum est, significat enim omnimodam caloris nativi extinctionem. Sic quando phrenitici comatosi eadunt, iam morti sunt proximi.

§. XXI. Enucleata satis, ut opinor, dilucide mali indole, expositoque eius tum secundo, tum sinistro euentu, extremo disquirendum iam venit loco, qua ratione, partim aegris, hoc periculi pleno malo decumbentibus, succurrere, partim vero, corpus ab hoc defendere, praesentemque valetudinem fartam conservare, rationalis queat Medicus. Quod si ergo contingat, ut intempestive, eo-
que primum tempore, quo morbus, altas iam egit radices, aut signa iam futuram praenunciantia mortem sunt praesto, advocetur Medicus, caueat hic, antequam circumspetum de periculo instante, tulit iudicium, medicas operi admovere manus: Sic enim & medicina, & ipse omnem & maleuolorum contemptum, & imperiti vulgi, suspicionis euitabit notam. Maturius e contra, accitus Medicus, ante omnia, eo, ut respiciat, oportet, quo aeger loco collocetur temperato, imprimisque aegri pedes, plumis, aut calidis vesti-

vestimentis muniti, ab omni frigidioris aëris accessu, rite defendantur; fotu quippe tali, humores ad inferiora invitari, longa Medicos edocuit aetas. Nec inutile porro erit, aegro situm corporis procurare erectum, modo nil, quod ad fouendum, imprimis pedes pertinet, intermitatur. Tali namque sub situ, sanguis, per arterias carotides ad caput vergens, patitur remoram, venosique e capite redeuntis sanguinis, facilitatur progressus, vnde ipsi aegri, insigne se percipere leuamen profitentur.

§. XXII. His omnibus diligenter amandatis, probeque procuratis, id iam Medici postulat officium, vt, de conuenientibus, maloque debellando idoneis, omni sedulitate cogiter remediis. Hoc moliturus, eo, vt omnem impendat laborem, quo proximam mali tollat causam, necesse est. Hanc cum, vt infra indicauimus, nimia sanguinis, ad caput propulsio, indeque in partibus cerebri prognata, constituat inflammatio, eamque ipsa soepius natura, largiori sanguinis, per nares effusione sufferre soleat, eo, omnis Medici naturae ministri, in curando morbo, collimare debet intentio, vt sanguinis ad cerebrum congestam copiam, ad remotas corporis inuitet partes, subortamque inde sanguinis, in minimis partium adfectarum vasis, statim, congruis resoluat medicamentis; quo sublata, fibrillarum cerebri compressione, deopilatisque antea obstructis vasculis, sanguis, aequali flumine, per totum corpus distribui, liberoque cursu, omnium partium permeare queat vascula.

§. XXIII. Priori scopo obtinendo, commodissima, suffragante ipsa experientia, largior existit Venaesectio, mox principio mali in pede instituenda. Vel ut namque, omnibus in inflammationibus internis, intempestiue

adhibita, cum suppurationem potius, quam desideratam promoueat discussionem, funesta magis, quam utilis, obseruatur; ita & in phrenitide, tempore, quo morbus suum iam consecutus est vigorem, inflammatio magnum cepit augmentum, administrata, non potest non, summam aegris conciliare noxam. Aucta enim inflammatoria stasis, maiorem quoque, fortiolemue postulat, ad discutiendum, sanguinis adpulsum. Hunc cum intempestiua, infringat, atque turbet, V. S. haud obscurum esse potest, quomodo noxia, talis euadat sanguinis missio. In pede vero, eamque largiorem ideo instituere iubemus, vt exinanitis partium inferiorum vasis, sanguis, non solum, ad has partes inuiteretur, verumetiam, vt, copiosius educto sanguine, liberiora a sanguinis mole reddita vasa, naturalem magis fortiantur systolen, cuius ope, contracti vasorum parietes, potentius, in portionem sanguinis interceptam, agere, eandemque promptius queant resolueret. Hinc pro re nata, plenitudineque vasorum sic exigente, iterum atque iterum eandem reiterare suademus, aut cum propinquior saepius, vrgens malum, desideret sanguinis derivationem, atque ventilationem; haud inconueniens erit, praeuia V. S. in pede, post aliquot horarum interuallum, vnā externarum iugularium pertundere venam, quae antequam incidatur, collum prius, linteo leniter constringere, sectaque vena, linteum detrahare oportet, sic enim sanguis, absque ligatura, sponte manabit conf. SCHENCK. *obs. L. I p. m. 64.* Hanc si quis reformidet VSnem, proderit, cum praedictae venae, complures per externas colli partes distribuunt ramos, iuxta aures, aut in hominibus, qui haemorrhoidalem antea experti sunt fluxum, ano, ad mouere sanguisugas, vel ipsam acuto instrumento, narium pro-

prouocare haemorrhagiam. Hanc ob causam antiquioris imprimis aevi Medici, frontales, fecabant arterias, vel si id aegri prohibuit morositas, fronti admovebant hirudines, conf. RIVER. *obs. X. p. 578.* B. porro STAHLIUS rannas, si hae turgeant, praeuia V. S. reuulsoria, aperire suadebat venas, vid. *obs. eius de Phrenit. p. 67.* His antiquorum Medicorum sanguinis ventilationibus, haud quidem leuem, nos adscribimus efficaciam, cum tamen, pauci reperiantur aegri, qui hoc inusitato & aetate nostra iam fere obsoleto, obsecundent remedio, saepius vanus, cum aegrorum, tum adstantium, idem in usum vocare nos vetat timor. Ultimo tandem id circa V. S. in pede instituentiam, adhuc notandum venit, vt, antequam, haec occipiantur, pedes, qui tum rigere solent, calidis prius fricentur linteis, aut plane, tepidis foueantur pediluuiis, quo copiosiores ad has partes, alliciantur humores, laxatisue fibris rigidis, largior e tusa vena euocari queat sanguinis quantitas.

§. XXIV. In reuellendis ad inferiora porro humoribus, haud exiguam promittunt efficaciam, leniora καθάρτικα, nec non emollientia & cum puluere squillae aut elect. de hier. picr. acuata clismata. Velut namque, ipsam naturam, per diarrhoeam soluere morbum, infra notauimus; ita, cum similia medicamina, principio, quo gaudent simul mucilaginoso, intestina lubricent, feces duras emolliant, blandeque per intestinorum canalem educant, virtute simul membranas intestinorum vellicante, segnem & pene cessantem peristalticum eorum excitent motum, fieri nequit, quin, maior ad has partes humorum efficiatur decubitus, morbusue ipse, si non penitus tollatur, saltem magnum sui capiat decrementum. Nec desunt

porro, qui humores, reuellendi scopo, emplastra commendant vesicatoria; verum enim vero, cum longae experientiae viri, pro minus securis, haec, venditent remediis, melioraque, ac tutiora suppetant, consultius esse, his abstinere puto, vltiorique talia potius, committimus experientiae, miriora horum loco surrogantes, sic dicta rubefacientia: qualia sunt acetum, fermentum panis &c. pedum plantis admouenda.

§. XXV. Traditis iis, quae primam absoluunt indicationem remediis, videamus iam illa, quae posteriori satisfacere pollicentur intentioni. Remedia, quae ex pharmaceutico fonte huic scopo idonea, haurire licet, sunt partim externa, partim interna, remote magis discutientem, quem ab iis expectamus, praestantia effectum. Ex illis talia eligimus, quae raso admota capiti, virtute sua tonica, blandam pericranio, & cum hoc communicanti miningi durae stricturam inducendo, tremulum, & oscillatorium eius adaugent motum, ope cuius, sanguis, in vasis eius motu orbatus, propelli, vasaque hoc onerata, libera & patula reddi queant: Tali virtute pollent, praeter sic dicta neruina, nitr., acet., camph. ipsaque frigida, e quibus apta Medicus concinnare potest epithemata.

§. XXVI. Interno vsui vero illa commoda esse existimo, quae orgasmum humorum mitigando, stricturas solidarum partium demulcendo, acquabilem sanguini reddunt circuitum: qualia cum diaetetica, tum pharmaceutica suppellectilis nobis exhibet vberrima, ad illa, pertinent potus tenues simul acidulati: vt Dct. C.C. citr. hord. clyso antim. maritarum, serum lact. acid. aut sequens, blande aluum simul ducens potio: Rec. aqu. font. mens. vnam, Tamarind. vnc. vnam coqu. filtr. Colat. add. nitr. dep. drachm.

drachm. dimid. roob. ribes. drachm. binas. M.D. pro potu
ordinar. Ex his autem, omnibus palmam praeripiunt a-
quae, sic dictae diapnoicae, e quibus, accedentibus, nitr.
antim. diaph. puluere absorb. citr. saluberrimas parare li-
cet potiones.

§. XXVII. Vti vero omnibus in acutis, Medicamen-
ta, humores exaestuantiā, & narcotica, finistros edunt ef-
fectus, ita & in hac phrenitica febris, cane & angue magis
esse fugienda, serio moneo, vtraque enim, cum humores,
magnum in modum expandant, solidorum tonum proster-
nant, non possunt non, aegros in summum vitae praecipi-
tes agere discrimen.

§. XXVIII. Sed sufficiat haec de morbi edisseruis-
se medela; super est, vt, per paucis adhuc nostrum, quo
pacto Pannoniae incolae, a tam periculoso morbo, cor-
pora defendere debeant, aperiam consilium: Cuicun-
que ergo Pannoniae fructuum vbertate luxuriantes for-
tuna concessit incolere agros, illum oportet, nisi, in se
ipsum iniurius esse, tamque diro corpus exponere velit
malo, ante omnia, cum potu imprimis spirituofo, tum cibis,
non ad voluptatem, sed ad vitam vti, corpus coelo sereno,
blande mouere, omnes e contra vehementes, tam corporis,
quam animi motus, imprimis vero funestas tempestatis in-
iurias atque vicissitudines, sedulo euitare. Et cum magnum
sanitatis in sanguinis, & naturali, & artificiali fluxu, collocatum sit
momentum, tantum abest, vt, huius negligendi simus auctores, vt po-
tius illum casu cohibitum, reuocare, hunc neglectum instaurare, ma-
gnopere inculcemus; verbo, eo, totis viribus annitendum est regni
huius incolis, quo salutares corporis se- & excretiones, maneant in-
tegrae, liberaque imprimis, feri illius halituosi con-
seruetur perspiratio.

T A N T V M.

PRÆ-

PRÆCLARE DOCTO ET NOBILISSIMO
DOMINO CANDIDATO

S. P. D.

PRÆSES.

AMMONIUS Philosophus filius Hermiæ dixit: *ἰατρὸς ὁ ἀρίστος ὁ ἀρίστος*
ἀρίστος θεράπων: solida enim atque certa cognitio rerum, quæ
fiunt, tanto magis veritatem in quocunque foro fulcit & promovet;
facilior enim via atque transitus a veritate facti ad veritatem causæ
datur, modo curiosæ opiniones, fallaces suppositiones & ingeniosæ
fictiones evitentur. In Medico foro multum sane juvat fides & inte-
gritas historica; quare jure meritoque *CONRINGIUS in præfat. ad Sal-*
muti observat. dolet & exclamat: *neque aliud quicquam temere Sci-*
entia pathologica profectum æque hæcenus impedivit, me judice atque
Historia morborum sive ignorantia, s. contemptus. Quantumcunque
autem referat atque conferat quoad hanc Historiam certitudinem firmam pos-
sidere, nihilo tamen secius inventiones causarum inadæquatarum & incon-
gruarum totam reliquam utilitatem practicam destruere & invertere possunt:
quanta enim in Historiæ medicæ redintegratione & sincera dispositione judi-
ciosa solertia promittit commoda, & adjumenta, tanta perinde speculativa &
imaginaria causarum compilatio parit offendicula atque detrimenta. Inter
alias utiles occupationes merito illa æstinanda est, quæ morbos Endemios, Epi-
demios, & pro varietate climatis, regionis, mutationis atmosphæricæ, vento-
rum, vicinitatum, vitæ generis, popularium consuetudinum, morum, negotio-
rum, ingestorum &c. discrepantes curatius describit. Hoc in laudabili insti-
tuto tu PRÆSTANTISSIME DN. CANDIDATE haud infimum obtines
locum, qui præsentī Inaugurali Tuo Specimine proprio eruditionis Tuæ cona-
tu, nervo atque studio morbum quendam, nonnullis Hungariæ tractibus fami-
liarem, felici successu explicasti: Symbolum utique hoc est egregiorum Tuo-
rum in re medica studiorum atque commendabilis Scientiæ: ab eo enim tem-
pore, quo in alma hac Fridericiana Musarum inclyta Palæstra Medico studio
operam dedisti, bona industria, & eleganti Modestiae charactere passim Te com-
mendasti, proinde cum honores Doctorales honeste atque reverenter ambires,
in examine solito Collegio nostro approbatione dignos edidisti profectus; qua-
re intuitu reliquæ Tuæ sortis extraordinaria benevolentia ab eodem dignatus
fuisti. Bonis itaque votis Te manumittimus, ac propenso affectu Tibi a Sum-
mo rerum humanarum Directore equidem optimos ingenuorum Tuorum
progressus atque eventus apprecor, ut de cœlesti hoc moderamine & benedi-
ctionis affluentia indies hostiam gratitudinis ardentibus precibus & sanctita-
te vitæ cœlum versus offeras: ita habebis de quo semper gaudere poteris.

Faxit DEUS ut hæc omnia feliciter cedant & succedant. Dab. Halæ

Magdeb. IV. Nonar. Novembr. A. O. R. clbcccxxxix.

